


Munye a conta e storia cerca nos grandinan



ORANJESTAD (AAN): Ultimo simannan Bibliotecarianan di Biblioteca Nacional Aruba hunto cu Munye Oduber-Winklaar a bishita diferente cas di anciano cu un programa atractivo di contamento di storia. Munye cu su forma di conta cuenta a captura atencion di e grandinan.

El a trece obhetonan cu ta forma e base di su storia y despues el a laga e grandinan duna nan version di e cuenta usando su obhetonan den e caso aki, varios cusinchi. Esaki pa duna e storia un otro dimension. Munye ta poeta y autor di e buki 'Ta asina y awor mi ta regla cuenta cu bo'.

Diferente otro presentacion ta planea pa tuma lugar na e diferente cas di Anciano y Cas Marie cu Sr. Marco Christiaans, autor di e buki 'Perseverancia' y contador di cuenta y autora Señora Gwendy Sneek. Cada siman ta bishita un cas. E presentacion ta dura mas o menos un ora. Meta di e proyecto aki ta pa yuda tene e habitantenan di e casnan socialmente activo y pa haci promocion di lesamento. E bunita proyecto aki a bira posibel cu co-financiamiento di UNOCA y Biblioteca Nacional Aruba ta gradici UNOCA pa esaki.



TELEFONNAN
DI DIARIO
582-6747
FAX
582-8551